



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 408
fax. +387 33 726 414
e – mail: info@voda.ba

Broj: UP-I/21-3-40-475-4/21

Datum 21.10.2021. god.

„Agencija za vodno područje rijeke Save“ Sarajevo rješavajući po zahtjevu pravnog lica „MS WOOD“ d.d. Fojnica za donošenje rješenja o vodnoj dozvoli za ispuštanje tehnoloških otpadnih voda sa lokacije pogona za preradu drveta i proizvodnju stolarije, izgrađenog u naselju Podcitionja, općina Fojnica, na osnovu člana 139. stav (1) tačka 3. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi

R J E Š E N J E **o vodnoj dozvoli**

1. Pravnom licu „MS WOOD“ d.d. Fojnica daje se vodna dozvola za ispuštanje tehnoloških otpadnih voda u prirodni recipijent sa lokacije pogona za preradu drveta i proizvodnju stolarije, izgrađenog u naselju Podcitionja.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Da se prikupljanje i privremeno skladištenje piljevine i otpadaka od drveta iz procesa obrade drveta vrši na način da se onemogući njegovo rasipanje po okolnom terenu.
 - 3.3. Da se skladištenje boja, lakova, ulja i ostalih sirovina koje se koriste u procesu proizvodnje, vrši na propisan način.
 - 3.4. Korisnik poslovnog objekta za sve vrijeme trajanja ove vodne dozvole, mora obezbijediti da se tehnološke otpadne vode od pranja trupaca i oborinske onečišćene vode sa manipulativnih i saobraćajnih površina nesmetano sakupljaju putem slivnika i kanala sa linijskom slivnom rešetkom i odvođe do tipskog separatora, a zatim preko okna za monitoring ispuštaju u rijeku Fojnicu.
 - 3.5. Da se mulj izdvojen iz otpadnih voda lakirnice prikuplja i propisno skladišti do njegovog konačnog zbrinjavanja od strane ovlaštene institucije.
 - 3.6. Da se otpadne vode iz parione prikupljaju i propisno skladište do njihovog konačnog zbrinjavanja od strane ovlaštene institucije.
 - 3.7. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane u tabeli 1.1. Priloga 1. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20).
 - 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 19. i 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.

Izveštaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i

šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).

- 3.9. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
- 3.10. Sadržaj (mulj) iz uređaja za prečišćavanje otpadnih voda i ostali otpad ne smije se odlagati na česticu «vodno dobro», odnosno u vodotoke i na njegove obale.
- 3.11. Da se u skladu sa propisima iz oblasti zaštite okoliša vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.12. Osigurati priručna sredstva za brzu intervenciju u slučaju nekontrolisanog rasipanja opasnog otpada i isticanja naftnih derivata, kako bi se spriječilo moguće onečišćenje voda i tla.
- 3.13. Investitor je obavezan pridržavati se svih mjera i uslova propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07 - 03/16), Prilog 1., Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, Investitor, odnosno korisnik objekta „MS WOOD“ d.d. Fojnica je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
9. Prije isteka važnosti ove dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.

Obrazloženje

Investitor „MS WOOD“ d.d. Fojnica, obratio se ovoj Agenciji sa zahtjevom za ispuštanje tehnoloških otpadnih voda) u prirodni recipijent sa lokacije pogona za preradu drveta i proizvodnju stolarije, izgrađenog na zemljištu označenom kao k.č. broj 1013 K.O. Ostružnica, općina Fojnica.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjerena kopija Rješenja o registraciji u sudski registar, kod subjekta upisa „MS WOOD“ d.d. Fojnica, broj: 051-0-RegZ-21-0001202 od 17.08.2021. godine izdatog od strane Općinskog suda u Travniku;
- Ovjerena kopija Uvjerenja o poreznoj registraciji od 29.05.2018. godine izdato od strane Porezne uprave – Kantonalni porezni ured Novi Travnik;
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-3434-2/18 od 25.06.2018. godine izdatog od strane Uprave za indirektno-neizravno oporezivanje Banja Luka;
- Kopija Rješenja o urbanističkoj saglasnosti donesenog od strane Službe za gospodarstvo, urbanizam i prostorno planiranje Općine Fojnica, broj: 05-19-144/19 dana 12.07.2019. godine;
- Rješenje o upotrebnoj dozvoli objekta donesenog od strane Službe za građenje, katastar imovinsko-pravne poslove Općine Fojnica br. 05-023-1425/15 od 30.03.2016. godine;
- Rješenje o upotrebnoj dozvoli objekta donesenog od strane Službe za građenje, katastar imovinsko-pravne poslove Općine Fojnica br. 05-23-1006/15 od 03.09.2015. godine;
- Rješenje o upotrebnoj dozvoli objekta donesenog od strane Službe za građenje, katastar imovinsko-pravne poslove Općine Fojnica br. 05-23-1347/15 od 21.12.2015. godine;
- Rješenje o upotrebnoj dozvoli objekta donesenog od strane Službe za građenje, katastar imovinsko-pravne poslove Općine Fojnica br. 05-23-759/16 od 08.04.2016. godine;
- Rješenje o upotrebnoj dozvoli objekta donesenog od strane Službe za građenje, katastar imovinsko-pravne poslove Općine Fojnica br. 05-23-769/ od 05.05.2016. godine;
- Rješenje o upotrebnoj dozvoli objekta donesenog od strane Službe za građenje, katastar imovinsko-pravne poslove Općine Fojnica br. 05-23-1748/18 od 31.12.2018. godine;
- Rješenje o upotrebnoj dozvoli objekta donesenog od strane Službe za građenje, katastar imovinsko-pravne poslove Općine Fojnica br. 05-23-779/18 od 12.06.2018 godine;
- Kopija Rješenje o građevinskoj dozvoli donesenog od strane Službe za građenje, katastar imovinsko-pravne poslove Općine Fojnica br. 05-23-947/15 od 19.08.2015. godine;
- Kopija Rješenja o građevinskoj dozvoli donesenog od strane Službe za građenje, katastar imovinsko-pravne poslove Općine Fojnica br. 05-23-772/15 od 26.06.2015. godine;
- Kopija Rješenja o građevinskoj dozvoli donesenog od strane Službe za građenje, katastar imovinsko-pravne poslove Općine Fojnica br. 05-23-923/15 od 17.08.2015. godine;
- Kopija Rješenja o građevinskoj dozvoli donesenog od strane Službe za građenje, katastar imovinsko-pravne poslove Općine Fojnica br. 05-23-465/16 od 11.02.2016. godine;
- Kopija Rješenja o građevinskoj dozvoli donesenog od strane Službe za građenje, katastar imovinsko-pravne poslove Općine Fojnica br. 05-23-466/16 od 11.02.2016. godine;
- Kopija Rješenja o građevinskoj dozvoli donesenog od strane Službe za građenje, katastar imovinsko-pravne poslove Općine Fojnica br. 05-23-892/18 od 13.06.2018. godine;
- Kopija Rješenja o građevinskoj dozvoli donesenog od strane Službe za građenje, katastar imovinsko-pravne poslove Općine Fojnica br. 05-23-1589/18 od 02.11.2016. godine;
- Kopija Rješenja o građevinskoj dozvoli donesenog od strane Službe za građenje, katastar imovinsko pravne poslove Općine Fojnica br. 05-23-1372/16 od 16.08.2016. godine;

- Izvještaj o monitoringu kvaliteta i kvantiteta otpadnih voda objekta „MS WOOD“ d.d. Fojnica br. IV-186-A11/21 od 06.08.2021 godine;
- Ugovor o poslovnoj saradnji o zbrinjavanju sekundarnih sirovina i određenog opasnog otpada sa "ZIZI" d.o.o. Travnik;
- Projekat izvedenog stanja ispuštanja tehnoloških otpadnih voda sa pogona za proizvodnju građevinske stolarije urađen od strane „AGD“ d.o.o. Fojnica (na uvid);
- Prijepis katastarsko-knjiškog uložka broj: 817, broj: 07-31-609/21-2 od 06.09.2021. godine;
- Dokaz o uplaćenju upravnoj pristojbi i administrativnoj taksi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19 i 41/20), ovaj organ je pokrenuo upravni postupak, te je dana 19.10.2021. godine izvršen pregled objekata, o čemu je sačinjen Zapisnik o uviđaju broj: UP-I/21-3-40-475-2/21.

Pregledom dostavljene projektne i druge dokumentacije i izvršenog uviđaja na lokaciji utvrđeno je slijedeće:

Pogon za proizvodnju namještaja smješten je u naselju Podcitonja, općina Fojnica.

U krugu fabrike su smješteni slijedeći objekti: prostor – stovarište trupaca sa prostorom za pranje trupaca, pilanska hala-brenta, stovarište rezane građe, proizvodna hala, magacini suhe i sirove građe, kao i objekti prateće infrastrukture: sušara, pariona, peletara, lakirnica, silosi za skladištenje pilote 65 m³, upravna zgrada, parking i manipulativni prostor. Projektovani kapacitet proizvodnje pogona je oko 7000-8000 m³/godišnje trupaca. Snabdijevanje objekta vodom se vrši iz mjesnog vodovodnog sistema.

- Zagađene oborinske vode sa manipulativnih i saobraćajnih površina se prikupljaju putem slivnika i kanala sa linijskom slivnom rešetkom i odvođe do tipskog separatora, a zatim prečišćene spajaju u šahtu sa čistim oborinskim vodama sa krovova objekata i prečišćenim građevinskoj vodama (Putoks postrojenje), te odvođe i ispuštaju u rijeku Fojnicu;
- Pilota se sistemom odsisa prikuplja u silos zapremine 65 m³, te se zajedno sa otpadom od drveta koristi kao energent u kotlovnici (za zagrijavanje kancelarijskog prostora i proizvodnih pogona);
- Otpadne vode od pranja trupaca se zajedno sa oborinskim vodama prikupljaju putem kanala i odvođe na tretman do separatora a zatim zajedno sa pobrojanim ostalim vodama ispuštaju u rijeku Fojnicu;
- Tehnološke otpadne vode iz lakirnice („vodena zavjesa“) se prikupljaju u sabirnu jamu – taložnik, te se istaložena voda sistemom recirkulacije ponovo vraća i koristi kao „vodena zavjesa“. Lakovi i boje koje se koriste u procesu farbanja i lakiranja su biorazgradljivi i na vodenoj bazi. Otpad iz lakirnice (talog) se skuplja i odlaže u vodonepropusni sabirni taložnik, koji se prazni i zbrinjava od strane ovlaštene firme.
- Filteri za prikupljanje čestica ljeplila koji se pneumatskim pištoljem nanosi pri ljepljenja spužve elemente namještaja, se zbrinjavaju od strane firme ZIZI d.o.o. Travnik putem sklopljenog ugovora;
- Tehnološke otpadne vode nastaju i u procesu parenja drveta, koje se iz parionice odvođe do zasebne betonske vodonepropusne sabirne jame i zbrinjavaju od strane ovlaštene firme.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07).

Podnosilac zahtjeva je uplatio i posebne troškove shodno Zaključku ove Agencije, broj: UP-I/21-3-40-475-3/21 od 18.10.2021.

Podnosilac zahtjeva je uplatio upravnu i administrativnu taksu u iznosu od 70 u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13)

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih otpadnih voda, te je riješeno kao u dispozitivu ovog Rješenja.


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, Bsc.ing.građ.

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- „MS WOOD“ d.d. Fojnica, Podcitonja bb, 71 250 Fojnica
- ☉ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava